

8. ime lica koja će sazvati osnivačku skupštinu i rok za sazivanje osnivačke skupštine;
9. visinu jemstva zadrugara i vrijeme u kojem zadrugar poslije prestanka svojstva zadrugara odgovara za obaveze zadruge;
10. druga pitanja koja se odnose na osnivanje, poslovanje i prestanak zadruge.

Član 10.

Osnivači zadruge ulazu u zadrugu osnivačke uloge, a novi zadrugari uloge.

Osnivački ulozi i ulozi mogu biti u novcu, kao i u pokretnim i nepokretnim stvarima i pravima izraženim u novčanoj protuvrijednosti.

Procjena novčane protuvrijednosti osnivačkih uloga i uloga vrši se na način utvrđen ugovorom o osnivanju.

Član 11.

Osnivačka skupština saziva se nakon zaključivanja ugovora o osnivanju i unosa osnivačkih uloga, u skladu sa ugovorom o osnivanju.

Osnivačka skupština donosi statut zadruge i imenuje direktora zadruge.

Član 12.

Statutom zadruge se, u skladu sa odredbama ovog Zakona i ugovorom o osnivanju, utvrđuje naročito:

1. firma i sjedište zadruge;
2. djelatnost zadruge;
3. unutrašnja organizacija zadruge;
4. ulaganje i korišćenje sredstava;
5. planiranje rada i razvoja;
6. način obrazovanja i raspodjele dobiti, obrazovanje i korišćenje sredstava fondova;
7. odgovornost za obezbjeđenje likvidnosti, kao i prava i obaveze zadrugara za snošenje rizika u poslovanju;
8. oblici svojine (privatna i državna);
9. djelokrug rada organa zadruge i način odlučivanja;
10. prava, obaveze i odgovornost direktora;
11. način sticanja i prestanka svojstva zadrugara;
12. imenik zadrugara;
13. način odlučivanja zadrugara;
14. obavještanje, poslovna tajna, kontrola poslovanja, disciplinska i materijalna odgovornost i donošenje drugih akata i
15. prestanak zadruge.

Član 13.

Zadruga je dužna da uredno vodi i trajno čuva imenik zadrugara, u skladu sa statutom zadruge.

U imenik zadrugara upisuje se ime i prezime, adresa zadrugara, datum sticanja statusa zadrugara, oblik i iznos osnivačkog uloga, datum i iznos uplate, datum i način prestanka statusa zadrugara i drugi podaci od interesa za zadrugu.

O podacima sadržanim u imeniku zadrugara izdaju se uvjerenja, koja imaju snagu javnih isprava.

b) Upravljanje zadrugom

Član 14.

Zadrugom upravljaju zadrugari neposredno i preko organa koje biraju.

Organi zadruge su skupština, nadzorni odbor i direktor. Statutom zadruge može se predvidjeti obrazovanje i drugih tijela zadruge.

Član 15.

Najviši organ upravljanja zadrugom je skupština zadruge, koju sačinjavaju svi zadrugari, odnosno od njih ovlašćeni predstavnici.

Član 16.

Kontrolu poslovanja zadruge vrši nadzorni odbor, koji se bira iz reda zadrugara.

Član 17.

Direktora zadruge imenuje i razrješava skupština zadruge, u skladu sa ovim Zakonom i statutom zadruge.

Direktor zadruge razrješava se dužnosti direktora, ako zadruga uzastopno dvije godine posluje sa gubitkom.

Član 18.

Djelokrug, način izbora i trajanje mandata, prava, obaveze i odgovornosti i druga pitanja značajna za rad skupštine, nadzornog odbora i direktora zadruge regulišu se statutom zadruge, u skladu sa zakonom.

c) Imovina zadruge

Član 19.

Imovinu zadruge čine osnivački ulozi zadrugara, ulozi zadrugara i sredstva ostvarena radom i poslovanjem zadruge, kao i druga sredstva ostvarena u skladu sa zakonom.

Imovina zadruge je zajednička imovina zadrugara srazmjerno njihovim udjelima.

Ugovorom o osnivanju utvrđuje se rok u kome zadrugar ne može raspolagati u cjelosti ili djelimično svojim udjelom u zadrugi, pojedinim stvarima i pravima iz zajedničke imovine, niti može zahtijevati njenu diobu.

Član 20.

Zadruga u svom poslovanju koristi imovinu zadruge, a može koristiti imovinu i sredstva zadrugara i drugih domaćih i stranih fizičkih i pravnih lica.

Zadruga može koristiti zemljište i druga sredstva u državnoj svojini, ako o tome, u pismenom obliku, zaključi ugovor.

Ugovor iz prethodnog stava sa zadrugom zaključuje Ministarstvo poljoprivrede, šumarstva i vodoprivrede, uz prethodno pribavljenu saglasnost Vlade Tuzlanskog kantona.

Član 21.

Dobit koju zadruga ostvari svojim poslovanjem pripada zadrugarima srazmjerno njihovom ulogu i doprinosu u radu zadruge, u skladu sa ugovorom o osnivanju i statutom zadruge.

Pravo na učestvovanje u raspodjeli dobiti iz prethodnog stava ima i lice koje je sa zadrugom zaključilo poseban ugovor o ulaganju sredstava u zadrugu bez sticanja statusa zadrugara.

d) Prestanak zadruge

Član 22.

Zadruga prestaje:

1. ako skupština zadruge dvotrećinskom većinom svih glasova zadrugara odluči da zadruga prestaje,
2. ako skupština zadruge odluči da se zadruga spoji sa drugom zadrugom, da se pripoji drugoj zadrugi ili da se podijeli na više zadruga,
3. ako se pravosnažnom odlukom suda utvrdi ništavnost upisa u sudski registar,
4. u slučaju stečaja,
5. u drugim slučajevima utvrđenim zakonom, ugovorom o osnivanju, i statutom zadruge.

Član 23.

Ako se zadruga spoji sa drugom zadrugom, pripoji drugoj zadrugi ili se podijeli na više zadruga, imovina i obaveze zadruge se prenose na njene pravne sljedbenike.

Nad zadrugom koja prestaje u drugim slučajevima predviđenim članom 22. ovog Zakona provodi se postupak likvidacije.

Član 24.

Prestankom zadruge imovina u zadrugi, nakon podmirenja obaveza prema povjeriocima, raspoređuje se zadrugarima u skladu sa ugovorom o osnivanju i statutom zadruge.

III. OBLICI ZADRUŽNOG ORGANIZOVANJA

Član 25.

Radi organizovane proizvodnje, prerade i prodaje svojih proizvoda, zajedničke izgradnje i korišćenja poljoprivrednih objekata, odnosno poljoprivrednih mašina i opreme, obezbjeđenja reprodukcionog materijala i ostvarivanja drugih ciljeva, zadruge mogu osnivati preduzeća, banke, štedionice, štedno-kreditne službe, zadrugne berze, poljoprivredne škole, poljoprivredne i veterinarske službe i druge institucije, u skladu sa zakonom.

Član 26.

Zadruge se mogu udruživati u zadrugne saveze u skladu sa zakonom.

IV. KAZNE ODREDBE

Član 27.

Pored novčanih kazni za privredne prijestupe i prekršaje utvrđene federalnim zakonom:

1. novčanom kaznom od 500 do 1.500 KM kaznit će se za privredni prijestup zadruga ako ne čuva imenik zadrugara (član 13. stav 1.),
 2. novčanom kaznom od 150 do 500 KM kaznit će se za prekršaj zadruga ako ne vodi imenik zadrugara (član 13. stav 1.).
- Za radnju iz tačke 1. stav 1. kaznit će se i odgovorno lice u zadrugi novčanom kaznom od 100 do 300 KM, a za radnju iz tačke 2. stav 1. kaznit će se i odgovorno lice u zadrugi novčanom kaznom od 50 do 150 KM.

V. PRIJELAZNE I ZAVRŠNE ODREDBE

Član 28.

Zemljište i druga sredstva koja su zadruge dobile na korišćenje od bivših društveno-političkih zajednica, a koje su tom imovinom raspolagale na osnovu zakonskih propisa, ostaju tim zadrugama na korišćenje do uređenja tih odnosa Zakonom o restituciji. Prilikom korišćenja zemljišta i drugih sredstava iz prethodnog stava, vrijednost imovine se ne može umanjivati.

Član 29.

Na pitanja koja nisu uređena ovim Zakonom shodno se primjenjuju odgovarajuće odredbe federalnog zakona.

Član 30.

Zemljoradničke zadruge dužne su uskladiti svoje poslovanje sa ovim Zakonom u roku od 6 mjeseci od dana stupanja na snagu ovog Zakona.

Član 31.

Ovaj Zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON

Predsjednik
Skupštine Tuzlanskog kantona,

Skupština
Broj: 01-011-253-5/00
Tuzla, 30. 05. 2000. godine

Dr. Izet Žigić, v.r.

202

Na temelju poglavlja IV, odjeljak B, članka 33. stavak 1. točka e) Ustava Tuzlanskog kantona, donosim

UKAZ**O PROGLAŠENJU ZAKONA O
ZEMLJORADNIČKOM ZADRUGARSTVU**

Proglašava se Zakon o zemljoradničkom zadrugarstvu, koji je donio Sabor Tuzlanskog kantona na sjednici od 30. 5. 2000. godine.

Broj: 01/1-02-988/00
Tuzla, 05. 06. 2000. godine

Predsjednik
Tuzlanskog kantona,
Dr. Tarik Arapčić, v.r.

ZAKON**O ZEMLJORADNIČKOM ZADRUGARSTVU****I. OPĆE ODREDBE**

Članak 1.

Zemljoradničku zadrugu i drugi oblik zadrugnog organiziranja zemljoradnici dragovoljno osnivaju radi zadovoljavanja svojih potreba i ostvarivanja svojih interesa u proizvodnji, kao i drugih interesa, a u cilju stjecanja dobiti.